

نور الیوم و دی

ناشرى : تورك يودى

مدیر: آق چوره اوغلی یوسف

پیل ۵ جلد ۱۱ صافی ۱۱۹

۲۹ ايلول ۱۳۳۲

۱۳۳۲ ص ۱۵

مهراد مقننه اهل اسلام، عسکر اسلام کرسی، اسلامده بر خطاب [۱] — آرزو جوق اوقو. به بیلنلرک اوقویوب، معناسی آ کلا یوب فائده آلابیله جکلری کتابلره صوک درجه محتاجز. بوجشید کتابلرک موضوعلری، خلقلک اوتهدنبری آالشیق اولدقلری موضوعلر اولمیلدر. بالکیز کلهلرک تورکجه اولماسی، عبارت نلک تورکجه ترتیب اولونمسی کفایت ایتمز، خلقلک هیچ ایشتمدیکی، دوشونمیدیکی، آالشما دینی مسأللر اوزرینه نه قدر آچیق و ساده تورکجه یازیلیرسه یازیلرین، خللق اوللری اوقویوب آ کلاماز. و آ کلامادقجه اوقومقده ایسته مز. — خلقلک الک جوق علاقه دار اولدینی ایکی موضوع وارد: بری دین، ایکنجیسی هر کون ایشلیدیکی ایش. دینی رسالهلرله خلقله وظائف اخلاقیه، وظائف وطنیه و ملیه، وظائف مدنیه اوکرتیله بیلیر؛ هر کون ایشلیدیکی ایشلردن، مثلاً کینجیلکدن، حیوان یتشدیرمکدن سودجیلکدن، طوقومه جیلقدن باحث رسالهلرده خلقله صنعتلرنده ایلریله مک، صنعتلرینی مکمللشدیرمک یوللری کوستریله بیلیر. قیسه، ساده بر ایکی فورمه دن فضلله طوقومه جق و اوقونماسی قولای اولسون ایچون حرکه لی حرفلرله باسیله جق اولان بو رسالهلرله خلقله اوقومق هوسی ده ویریله بیلیر. خلقلک سودیکی و بیلیدیکی موضوعلر اوزرینه، اخلاق و یا عملی برغایه کوزه دیلرک یازیلش منظومه لر، داستانلر، حکایهلر، یوقاریده صایدقلریمز علاوه اولنه بیلیر. بو نوع خلق ادبیاتنک — جوجق ادبیاتنده اولدینی کبی — مزاح قاریشیق حیوان ماصاللری، یاخود اولیا و قهرمان منقبه لری شککنده اولمسی، ظن ایدرزکه مقصدی ده انا تأمین ایدر.

سینوب مبعوث محترمی حسن فهمی افندیکنک، بو کونلرده نشر ایتدیکی «جهاد حقنده اهل اسلام، عسکر اسلامه کرسی» اسلامدن بر خطاب، عنوانی رساله سی خلقله، علی الخصوص خلقلک الک عزیز بر قسمی اولان عسکره اخلاق و معنویات درسلی ویرمک ایچون جوق ایشه یارایاجق بر رساله در. کلهلری، جمله لری اسلوب و شیوه سی تام و آئی تورکجه در. خلقله آ کلا دینی ویرلیدیکی بر دیلله خطاب ایدیور. موضوع ده خلقلک عنعنوی بیلکیسنه، طویفوسنه الک اویغون بر موضوع در: مسلمانلره جهادک فضیلتلرینی آ کلا تیور، جهاد زماننده کی وظیفه لرینی اوکرتیور. خطیبک هیچ توکنمه یین، برکتلی، طولو، حتی جوشقون بر دیلی وار. قونوشورکن اولدینی کبی، یازارکن ده معتقدلر تندن، غایه آمالندن الهام آلمیه باشلا ییجه طاشیور، جوشیور... بعض قواعد صراقلیلری، محترم خطیبک عبارت لرنده قواعد خطالری آرایوب بوله بیلیرلر. فقط بونک نه اهمیتی اولور؟ طبیی و جاتلی بر بلاغت هیچ بر زمان صرف ونحوک، حتی منطقک اولو قاعده لرندن یاییلمش بر تابوت ایچینه کیروب یاتمه یه راضی اوله مازکه...

[۱] خطیبی: سینوب مبعوث علماد حسن فهمی افندی. — مطبعة طاسره ده باسلش. — ۲۲ صفحه. —
نشان: ۶۰ پاره.

حسن فهمی افندی، بو یوله بر قاج اثر دهانشرایده جکله رینی تبشیرایدیورلر. منتظرز. چیه حق اثرلرک حرکلی حرفارله باصلماسی و مطبعه تصحیحلرینک اعتنا ایله یایدیر یلماسی شایان تمیدر. صوکرده خلق آراسنه، عسکر آراسنه چوق داغیلماسی تأمین اولونمایدیر. خلقه محبتی معلومز اولان سینوب مبعوث محترمک اثرینه دیگر اسلام علملرینک ده ا قفا ایتمه لری یک آرزو اولونور. علمای اسلام اولدن اولدینی کی، شمدی ده خلقک مرشدی، مربیسی، تسلیتکاری قالمق استیورسه، صالح سلفلرینک ایزلرینی بر اقاملیدر... - سی.

تورکک شعوی

اتحاد رتقی جمعیته ۱۳۳۲ سنه سی قونفره سی. — اتحاد وترق جمعیته ۱۳۳۲ سنه سی قونفره سی ایلولک ۱۵ نجی کونی اولکلدن صوکره ساعت ایکیده، نور عثمانیه قلوبنده رئیس عمومی صدراعظم سعید حامی پاشا حضرتلرینک ریاستلری آلتنده اجتماعه باشلادی. جمیته مندوب مجلس اعیان و مبعوثان اعضاسیله پایتخت و ولایتلر و مستقل اولردن قونفره یه انتخاب اولونان مرخصلر و جمیته صرکر عمومی و مجلس عمومی اعضا لری حاضر ایدیلر. قونفره نیک آجالماسی متعاقب مجلس عمومی راپوری او فونیدی. صوکره قونفره نیک ریاست هیثانی انتخاباته باشلانورق برنجی رئیسکه سعید حامی پاشا حضرتلری، ایکنجی رئیسکاره داخلیه نظری طاعت یک افندی ایله جمیته کاتب عمومی مدحت شکری یک افندی و کاتبکاره چوروم مبعوثی و «طنین» باش محرری محی الدین، انطالییا مبعوثی فواد خلوصی و بروسه مبعوثی ممدوح بکر انتخاب اولندیلر.

بو قونفره اتحاد رتقی جمعیته آنتیجی قونفره سیدر. ۱۳۳۰ و ۱۳۳۱ سنه لرنده، حرب دولایسیله، قونفره اجتماع ایدمه مشدی. ۱۳۳۲ قونفره سی، بوتون مطبوعاتک مشترکاً بیان ایشدکاری وجهله شمدی به قدر انعقاد ایدلرک اک مهمیدر.

قونفره مذاکراتنه زمین اولان مجلس عمومی راپوری اوچ قسه آریله ییلیر: برنجی قسم، وقایع و اجراءات تاریخچه سیدر. بو قسمک ابتداسنده حرب عمومی باشلارکن دولت عثمانیه نیک، اوروپا دولتلریله مناسباتی، ایکیه بولونن اوروپا دولتلرینک دولت عثمانیه به نظرلری ایضاح ایدیا کده دره روسیه نیک دولت عثمانیه عاینده کی تصورات اسقیلا کارانه سی، انکیز سیاستک عاییزه دونه رک روسلرله اویشمه سی، فرانسز و ایتالیانلرک مملکتلر دن برر پارچه فوایزمتی املاری و بالنتیجه تورکیه نیک تقسیم و مناطق نفوذ تعینی مسأللرینک میداننه جیقماسی آتیق و مقنع آ کلایلیور و دینلورکه «بالتان حربی متعاقب آناتولیا نیک تقسیم ایچون بو کونکی ائتلاف دولتلرنده کوریلن استعمال و عصیت مملکتک باشنده بو یوک ولا کتک دولاشمقده اولدینی حسن ایتدیزه جک درجه ده ایدی.» — صوکره امتیازات اجنیه (تاپیتولاسیون) ک تاریخچه سی، حیات داخلیه و مناسبات خارجییه مزه تأثیرلری ایضاح ایدیلرک، آوروپا قونفری انحلاله اوغرا دیی زمان حکومت عثمانیه نیک برنجی ایشی اونلری الفا ایتک اولمش اولدینی بیان اولنیور. —

دها صوکره سفر برایی استلزام ایدن اسبابدن، اعلان حربی انتاج ایدن وقایعدن، اوردو و دونخانک قهرمانجه محاربه لرندن، بولغارستانله تصحیح حدوددن بحث ایدیلور. — سیاست خارجییه و حرب مسأللرندن صوکره اونلرله علاقه دار مسائل داخلیه دن اولان ارمنی مسأللرینه انتقال اولنه رقی، تبعه دولت عثمانیه دن بر قسم ارمنیلرک وطن عثمانی عایهنده بولمش اولدقلری، ۱۶ ماده ده جمع و تلخیص ایدیلن اختلال و خیانت قابیلله اظهار و اثبات ایدیلور. ارمنی مسأللرینه متعاقب سوریه و حجاز حادثاته یکیلور. شریف حسینک احداث ایتدیکی فتنه یه، یک حقلی اوله رقی «خاشانه و مهینانه» دینلور. — سیاسی مسأللر دن صوکره مهم بر مسأله اقتصادی، پایتختک اطاشه سی مسأللر سی تنویر اولنیور. — نهایت اوردومزک حرب میدانلرنده قهرمانقله مترادف مدیدکی، شفتکارلنی، لایق اولدینی